#### ԱՐՁԱՆԱԳՐՈՒԹՅՈՒՆ ԹԻՎ 11

# << Լոռու մարզպետի մոտ կայացած ընդլայնված խորհրդակցության՝ << Լոռու մարզի համայնքների ղեկավարների մասնակցությամբ

09.09.2024թ. ք.Վանաձոր

Նիստը վարում էր Լոռու մարզպետ Ա.Ղազարյանը Արձանագրում էր փաստաթղթաշրջանառության բաժնի պետ Ս.Մակարյանը

### Մասնակցում էին

Գ.Ասրյանը - մարզպետի տեղակալ

Կ.Աշրաֆյանը- մարզպետի աշխատակազմի գլխավոր քարտուղար

Մ.Դալլաքյանը, Ռ.Պողոսյանը, Գ.Քարհանյանը, Մ.Խեչումյանը, Ռ.Մարգարյանը, Ա.Հակոբյանը, Ա.Բաղդասարյանը, Գ.Մելիքսեթյանը, Ա.Շահվերդյանը - մարզպետի աշխատակազմի ստորաբաժանումների ղեկավարներ

ՀՀ Լոռու մարզի համայնքների ղեկավարներ

# Օրակարգում՝

1. << Լոռու մարզի համայնքների ղեկավարների կողմից Մարզխորհրդի նիստի թիվ 2 արձանագրությամբ և << Լոռու մարզպետի մոտ կայացած խորհրդակցությունների ընթացքում տրված հանձնարարականների և արված առաջարկությունների կատարման ընթացքի վերաբերյալ տեղեկատվություն։

(զեկ. ՀՀ Լոռու մարզի համայնքների ղեկավարներ)

2. Ս/թ մայիսի 25-26-ը տեղացած հորդառատ անձրևների պատճառով տեղի ունեցած աղետի հետևանքների վերացման ուղղությամբ իրականացվող աշխատանքների և անելիքների, ինչպես նաև փոխհատուցումների վճարման գործընթացի վերաբերյալ տեղեկատվություն։

(զեկ. ՀՀ Լոռու մարզպետի տեղակալ Գ.Ասրյան)

- **3**. << Լոռու մարզում սուբվենցիոն ծրագրերով, ինչպես նաև պետական բյուջեի միջոցներով իրականացված ծրագրերի ընթացքի վերաբերյալ տեղեկատվություն։
- (զեկ. ՀՀ Լոռու մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ՝ Ռ.Մարգարյան)
- **4**. Այլ հարցեր։

## Ելույթ ունեցան՝

- 1. << Լոռու մարզպետ Ա.Ղազարյանը ներկայացրեց տեղեկատվություն մարզպետի աշխատակազմի կողմից իրականացված աշխատանքների վերաբերյալ, մասնավորապես ս/թ մայիսի 25-26-ը տեղացած հորդառատ անձրևների պատճառով տեղի ունեցած աղետի հետևանքերի վերացման նպատակով պետության և միջազգային կազմակերպությունների կողմից տրամադրված ֆինանսական միջոցներով իրականացված ծրագրերի վերաբերյալ, սուբվենցիոն և պետական միջոցներով իրականացվող ծրագրերի ընթացքի և խնդիրների վերաբերյալ, համայնքների կողմից ներկայացված հրատապ և առաջնային լուծում պահանջող ծրագրերի, սեփական եկամուտների հավաքագրման, դրանցում առկա խնդիրների և լուծման ուղղությունների, աղբահանության հետ կապված խնդիրների, տեղական ինքնակառավարման մարմինների աշխատանքների թափանցիկության և գործառույթների իրականացման օրինականության և օրինաչափությանն առնչվող և այլ հարցերի վերաբերյալ։
- 2. Լոռու մարզի համայնքների ղեկավարները ներկայացրեցին համայնքներում սեփական եկամուտների հավաքագրման, Լեռնային Ղարաբաղից բռնի տեղահանված և համայնքներում բնակություն հաստատած քաղաքացիների հետ հանդիպումների և խնդիրների, սուբվենցիոն և պետական միջոցներով իրականացվող ծրագրերի, աղբահանության, գույքի վարձակալության տրամադրման և այլ հարցերի վերաբերյալ տեղեկատվություն։
- 3. << Լոռու մարզպետի տեղակալ Գ.Ասրյանը ներկայացրեց մայիսի 25-26-ին տեղացած հորդառատ անձրևների հետևանքով քաղաքացիներին, իրավաբանական անձանց և գյուղատնտեսությանը պատճառված վնասների, դրանց փոխհատուցման գործընթացի վերաբերյալ տեղեկատվություն։
- 4. << Լոռու մարզպետի աշխատակազմի ֆինանսական վարչության պետ Մ.Դալլաքյանը ներկայացրեց Լոռու մարզի համայնքներում սեփական եկամուտների հավաքագրման վերաբերյալ տեղեկատվություն ըստ հարկատեսակների 2024թ. ութ ամսվա կտրվածքով՝ առաջարկելով առավելագույն հետևողականություն դրսևորել հողի հարկի, տեղական տուրքերի և վճարների, անշարժ և շարժական գույքի վարձակալության վճարների մուտքերի ապահովման ուղղությամբ։
- 5. << Լոռու մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Ռ.Մարգարյանը ներկայացրեց Լոռու մարզում 2022-2023թթ. սկսված և չավարտված, ինչպես նաև 2024թ-ին իրականացվող սուբվենցիոն և պետական միջոցներով իրականացվող ծրագրերի, դրանց նկատմամբ մշտադիտարկման, արձանագրված թերությունների և ռիսկերի վերաբերյալ, որոնք կապված են աշխատանքների որակի, ժամկետների և նախագծային շեղումների հետ։

# Հանձնարարվեց

#### 1. ՀՀ Լոռու մարզպետի տեղակալ Գ.Ասրյանին ՝

Աղետի գոտու բնակչությանը պետական աջակցության ծրագրերով նախատեսված միջոցների տրամադրման նկատմամբ դրսևորել ամենօրյա հետևողական վերաբերմունք, սահմանված ժամկետներում և կարգով իրազեկել համայնքների ղեկավարներին և բնակչությանը պետական աջակցության ծրագրերի վերաբերյալ և պարբերաբար ներկայացնել տեղեկատվություն։

- 2. << Լոռու մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Ռ. Մարգարյանին՝
- 2.1 Համայնքների ղեկավարների հետ կրկին անգամ քննարկել և ըստ անհրաժեշտության ներկայացնել Լոռու մարզի՝ ըստ առաջնահերթությունների հրատապ լուծումներ պահանջող ծրագրերի թարմացված ցանկը։
- **2.2** Անհրաժեշտ վերահսկողություն սահմանել մարզի համայնքներում իրականացվող շինաշխատանքների որակի և ժամկետների պահպանման նկատմամբ ու նախագծային շեղումները և խախտումները բացառելու ուղղությամբ։
- 3. << Լոռու մարզպետի աշխատակազմի առողջապահության և սոցիալական ոլորտի հարցերի վարչության պետ Ռ.Պողոսյանին՝

Ուսումնասիրել և ներկայացնել տեղեկատվություն ու առաջարկություններ մարզի բուժամբուլատորիաների հագեցվածության և կարիքների վերաբերյալ։

## Առաջարկվեց Լոռու մարզի համայնքների ղեկավարներին

- 1. Անհրաժեշտ միջոցառումներ ձեռնարկել սեփական եկամուտների հավաքագրման մակարդակը բարձրացնելու և ըստ հարկատեսակների պլանային ցուցանիշներն ապահովելու ուղղությամբ՝ մասնավորապես հողի հարկի, տեղական տուրքերի և վճարների, վարձակալության վճարների հավաքագրման ուղղությամբ։
- 2. Անհրաժեշտ միջոցառումներ ձեռնարկել մարզի համայնքներում աղբահանության պատշաճ կազմակերպման ուղղությամբ, հնարավորինս բացառել ապօրինի աղբաթափումները, անհրաժեշտության դեպքում կիրառել վարչական պատասխանատվության միջոցներ խախտումներ իրականացնողների նկատմամբ։
- 3. Ակտիվորեն շարունակել հանդիպումները Լեռնային Ղարաբաղից բռնի տեղահանված քաղաքացիների հետ, կազմակերպել հանդիպումներ, ներկայացնել պետական աջակցության ծրագրերը և աջակցել բարձրացված խնդիրների լուծման հարցերում։
- 4. Բոլոր տարածաշրջաններից առաջարկել ներկայացուցիչներ արցախահայության խնդիրները քննարկելու, վերլուծելու և ըստ անհրաժեշտության՝ աշխատանքային խմբի քննարկմանը ներկայացնելու նպատակով։
- 5. Քննարկումներ և հանդիպումներ կազմակերպել համայնքների բնակիչների հետ, պարզաբանել և ներկայացնել համայնքային խնդիրների առաջնահերթությունները,

որոնք հրատապ լուծման կարիք ունեն և զգալիորեն կնպաստեն համայնքի զարգացմանը։

- 6. Անհրաժեշտ վերահսկողություն սահմանել համայնքում սուբվենցիոն և պետական միջոցներով իրականացվող ծրագրերի նկատմամբ, դրանք ժամկետներում, որակով և առանց խախտումների ու թերությունների կատարման նպատակով (հաշվի առնելով, որ չի ընդունվելու ոչ մի արդարացում), և իրականացված աշխատանքների վերաբերյալ յուրաքանչյուր շաբաթվա վերջին աշխատանքային օրը ներկայացնել տեղեկատվություն։
- 7. Հետևողական մոտեցում դրսևորել տրված հանձնարարականների և արված առաջարկությունների պատշաճ, ժամանակին և որակով կատարման նկատմամբ՝ բացառելով ցանկացած կոռուպցիոն կամ կամայական դրսևորում, այդ թվում նաև բոլոր տեսակի մրցույթների կազմակերպման և անցկացման գործընթացներում, կազմակերպել հանդիպումներ ազգաբնակչության հետ, վերհանել խնդիրները և տալ լուծումներ, ինչպես նաև խորհրդակցություններին ներկայանալ օրակարգային հարցերի և դրանց վերաբերյալ տեղեկատվությանը պատրաստված կարգով։
- 8. Աղետի գոտու բնակչությանը պետական աջակցության ծրագրերով նախատեսված միջոցների տրամադրման նկատմամբ դրսևորել ամենօրյա հետևողական վերաբերմունք, աջակցել և օժանդակել դիմումների ներկայացման, փոխհատուցումների տրամադրման հարցերի լուծման գործում։

Recoverable Signature

ԳՈՌ ԱՍՐՅԱՆ

LበቡበՒ ՄԱՐՁՊԵՏԻ Ժ/Պ՝ Signed by: ASRYAN GOR 2814770039

Գ.ԱՍՐՅԱՆ

Արձ. Ս.Մակարյան Հեռ. 0322 /4-32-99